

孔顏孟三氏誌卷之二

賜戊戌進士文林郎鄒縣知縣肅寧張泰校正

前鄉貢進士鄒縣儒學教諭永嘉劉濬編次

宣聖五十八代孫鄒學訓導長魯孔公易輯

宣聖孔氏誌事類

河東席尚河記

○歷代主祀宗子特授恩典世職縣尹學錄附

二代鯉字伯魚周景王十二年為魯昭公之九

也是時孔子年十九妃弁官氏明年生子適

昭公賜之二鯉魚榮君之賜因以名其子而



字曰伯魚既長魯哀公以幣召鯉稱疾不行  
年五十以哀公十二年卒時孔子年已七十  
矣墓葬在孔子東生子伋

三代伋字子思逮事聖祖孔子而受業於曾子  
蓋顏子早卒聖道傳於曾子曾子傳於子思  
子思傳於孟子其學獨得其宗子思嘗著書  
四十九篇今存者惟中庸魯繆公亟見於子  
思問曰古千乘之國以友士何如子思不悅  
曰古之人有言曰事之云乎豈曰友之云乎

其後孟軻釋之曰千乘之國求與之交而不  
可得况可召與繆公之於子思亟問亟餽鼎  
肉子思不悅於卒也標使者拜而不受曰今  
而後知君之犬馬畜伋也復欲以為國相時  
臣皆世襲淫寵相傾不以德訓乃嘆曰若為  
相而不得行吾道相之恥也遂不受且告繆  
公曰臣聞君子猶鳥也疑之則舉矣乃適衛  
值懸子問禮焉曾申問曰何以不仕子思曰  
道伸吾願也今天下諸侯其孰能執與其屨



已以富貴不如抗志而貧賤於是在衛貧甚  
而自若嘗言苟變可將衛君曰變為吏嘗賦  
於民食人二鷄子故弗用于思曰聖人用人  
猶匠之用木取其長而棄其短今君處斯世  
而以二卵棄干城之將此不可聞於隣國也  
衛君每言計之非群臣知者如一子思曰君  
之國事將日非矣君出言自以為是而卿大  
夫莫敢矯其非卿大夫出言自以為是而士  
庶人莫敢矯其非詩曰具曰予聖誰知烏之

雌雄於是在衛緼袍無衷二旬九食田子方  
遺以狐白裘不受已而後反於魯教授其徒  
數百人而道卒傳於孟軻年及百餘歲卒史  
記作六十二今兩存之矣先聖墓南生子白  
四代白字子上請所習於子思子思曰先人有  
訓焉學必由聖所以致其才也厲必由砥所  
以致其刃也故夫子之教必始於詩書而終  
於禮樂雜說不與焉子思在魯以書如魏問  
白白北面拜受書伏讀遂為復書又北面



再拜以受使者其恭如此齊威王召白為國相不受再召又不受年四十九卒史記作四十七葬祖墓西北生子求

五代求字子家楚召不受年四十五卒葬祖墓

東北生子箕

六代箕字子京為魏相年四十六卒葬祖墓東

南生子穿

七代穿字子高楚魏趙三國交聘不就著儒家之語十二篇名曰譎言年五十一卒葬祖墓

南生子謙

八代謙史記世家作慎字子順又名斌仕魏為

安釐王相改壁寵之官以事賢才奪無任之

祿以賜有功諸喪職秩者不悅相魏九月以

病致仕遂寢於家嘗曰今秦有吞天下之心

不出二十年天下其盡為秦乎秦莊襄王召

不行魏以孔子後嗣封魯文信君年五十七

卒孔叢子云家之族胤一子相承以至九世

始有三子焉鮒騰樹



九代鮒字子魚一字甲該通六藝秦始皇并天下召為國文通君拜少傅三十四年丞相李斯始議焚書公與弟騰子襄藏其家語論語尚書孝經等於祖堂舊壁中自隱於嵩山教弟子百餘人後陳涉為楚王聘公為太傅凡仕六月託疾而退卒於陳下年五十七著書二十餘篇記先聖及子思子上子高子順與已行事名曰孔叢子子隨字亢路四傳至吉吉生何濟皆承殷後為宋公嗣絕弟騰字子長沙太傅年五十七卒生子忠

襄長九尺六寸漢高帝十二年十一月過魯親祀祖廟封公為奉嗣君後為惠帝博士遷長沙太傅年五十七卒生子忠

十代忠字子貞有高尚之志時徵為博士封褒成侯年五十七卒生子武及安國

十一代武字子威為文帝博士至臨淮太守早卒生延年

十二代延年博覽群書武帝時為博士轉少傅遷大將軍年七十一卒葬祖墓北生子霸



十三代霸字次孺幼有奇才漢昭帝時為博士  
宣帝時以太中大夫授皇太子司經遷詹事  
為高密相元帝即位拜太師賜爵關內侯食  
邑八百戶號褒成君給事中賜黃金二百斤  
宅一區徙名數于長安公為人謙退嘗稱位  
祿太過何德以堪之上欲致之相位讓至三  
四上知其誠乃止公上書求奉先聖祭詔令  
以所食邑祀孔子還子福名數於魯年七十  
二終於第上素服臨吊者再至賜東園祕器

并錢帛策贈列侯謚曰烈君四子福捷喜晁  
十四代福襲封關內侯年六十三歲卒葬祖墓  
北生子房

十五代房襲封關內侯生子均

十六代均字長平初名莽避王莽改今名敦篤  
好學有大才襲爵邑為尚書郎言辭清辯奏  
對成章平帝元始元年更封魯國褒成侯食  
邑二千戶五年王莽篡位拜大尉不就三辟  
疾乃得還年八十一卒生子志



十七代志後漢光武拜大司馬建武十四年襲封褒成侯食邑二千戶卒謚曰元成生損

十八代損字君益明帝永平十五年襲封褒成侯章帝元和二年二月東巡狩褒成助祭焉和帝永元四年徙封褒亭侯食邑一千戶生子懼

十九代懼字君曜襲封褒亭侯生子完

二十代完襲封褒亭侯早亡無子以母弟讚之子羨襲封母弟謂同母所生之弟

二十一代羨字子餘魏文帝黃初元年拜議郎封宗聖侯以曾縣百戶奉祀後卒葬祖墓南生震

二十二代震字伯起晉武帝泰始三年改封奉聖亭侯拜太常卿黃門侍郎食邑二千戶年七十五卒生子巖

二十三代巖字功成晉襲封奉聖亭侯食邑二千戶年五十七卒生子撫

二十四代撫晉舉孝廉辟太尉掾襲封奉聖亭



侯為豫章太守宴食封一千戶生子懿

二十五代懿東晉襲封奉聖亭侯後事中即食

邑一千戶年六十一代卒葬祖墓西生子鮮

二十六代鮮字鮮之恆廓大度好學善誨後人

宋文帝元嘉十九年襲封奉聖亭侯改封崇

聖侯生子乘

二十七代乘字敬山博學有才後魏孝孝廉文

帝延吳三年封崇聖大夫食邑五百戶生子

靈珍

二十八代靈珍後魏授祕書郎文帝太和十九

年仍封崇聖侯食邑一千戶生子文泰

二十九代文泰襲封崇聖侯食邑一千戶年五

十八卒葬祖墓南生子渠

三十代渠襲封崇聖侯北齊文宣帝天保元年

改封恭聖侯後周靜帝大象二年改封鄒國

公食邑一千戶生子長孫

三十一代長孫襲封崇聖侯食邑一千戶北齊

文宣帝天保元年六月改封恭聖侯周武帝



宣政元年改封鄒國公食邑一千戶年六十  
四卒葬祖墓西北生子英慈詞慈

三十二代英慈陳光大元年十二月庚寅封為  
奉聖侯

嗣慈隋應制登科授涇州司兵參軍遷太子  
通事舍人襲封鄒國公大業四年改封紹聖  
侯食邑一千戶年七十卒葬祖墓西生子德

倫

三十三代德倫唐高祖武德九年十二月改封

褒聖侯太宗貞觀十一年詔朝會位同三品  
食邑一千戶則天天授二年十月初二日賜  
勅書及時服年七十一卒生子崇基

三十四代崇基則天證聖元年襲封褒聖侯中  
宗神龍元年五月制授朝散大夫陪祭朝會  
又年五十六卒生子遜之

三十五代遜之字藏暉玄宗開元五年襲封褒  
聖侯特授四門博士郡王府文學蔡州長史  
二十七年改封文宣公兼除兗州長史遷都



水使者食邑一千戶生子萱

三十六代萱襲封文宣公兼兗州泗水令生子

齊卿

三十七代齊卿一作齊宣德宗建中三年閏正

月襲封文宣公兼除兗州工曹參軍轉青州

司兵參軍天子蒙塵時遭叛亂陷於東平生

子惟晳

三十八代惟晳憲宗元和十三年東平兵解歸

學授兗州參軍襲封文宣公年六十五卒葬

祖墓東生子策

三十九代策明經及第歷步府監主簿國子監

丞襲封文宣公任國子尚書博士時兵戈後

禮事用虧宣宗大中元年宰相白敏中奏復

百繼充享祀年五十七卒葬祖墓西南生子

振

四十代振字國文唐懿宗咸通四年狀元及第

除祕書省校書郎歷運判監察御史左補闕

水部員外郎襲封文宣公賜百繼年七十四



卒葬祖墓北生子昭儉

四十一代昭儉任南陵尉授廣文館博士兗州  
司馬賜緋除祕書郎襲封文宣公累宰曲阜  
年六十卒葬祖墓西生子光嗣

四十二代光嗣齋即出身昭宗天祐中授泗水  
令陵廟主年四十二卒葬祖墓西北生仁玉  
四十三代仁玉字温如身長七尺姿貌異常善  
六藝尤精春秋為人嚴整臨事有斷年九歲  
任曲阜主簿兩考滿陞縣尹襲封文宣公後

唐時除曲阜縣令襲封文宣公後周太祖廣  
順二年幸謁祖廟及孔林召對數刻賜五品  
服銀器雜綵等復口授曲阜縣令兼監察銜  
史卒於官年四十五卒葬祖墓東北贈兵部  
尚書四子宜憲冕勛

四十四代宜字不疑自幼聰悟十歲能屬文弱  
冠鐘家過哀毀聞于鄉曲阜太祖乾德四年  
詣闕上書述其家世詔為曲阜主簿調黃州  
軍事推官時方平吳越地扼江鄂咽喉公叅



三才圖會卷之三十一  
預兵機贊成時務宣力寔多代歸太宗召見  
迂司農寺丞領閔市於星子鎮江左始平度  
務下綱星子實江湖之會要貨殖之都聚公  
度其利害請營之為軍朝議以戶口少且陞  
為縣命就宰之政成考績有稱轉運使王明  
奏公言忠行薦不踰聖祖之規守法奉公可  
稱明王之用乞擢居朝列委以事擢尋入覲  
因獻所著文賦上覽嘉焉補問孔氏歷世之  
數具以實對上謂左右曰家世能如此者乎

特許太子右贊善大夫襲封文宣公太平興  
國三年通判高密縣帝命大將增脩祖廟功  
後告成公上表進方物稱謝答曰素王之教  
歷代所宗當予治定之初特展脩崇之典汝  
襲封闕里就列周行虔備貢輸慶茲輸奠省  
聞嘉獎不忘于懷時太平興國八年也自高  
密還朝廷殿中丞雍熙二年太宗北征公受  
詔督軍餉涉巨馬河卒年四十六生三子延  
世延澤延渥



四十五代延世字茂先以父沒邊境時賜同學  
究出身授曲阜主簿秩滿授福州閩縣令許  
州長葛令太宗至道三年三月真宗即位閏  
七月五日真宗言諭侍臣令咨訪宣聖有何  
子孫呂端奏有世嫡一孫延世見任許州長  
葛令召見詢以家世故事授曲阜令襲封文  
宣公上勉之曰汝宜精心典其祖廟祀無稍  
惰也面賜束帛銀器及太宗御書并九經等  
書咸平三年九月奉勅許於廳上見知通

轉運使特創齋庭禮貴公爵也卒於中平三十  
八葬祖墓西南生子聖佑

四十六代聖佑年九歲授同學究出身年十一  
大中祥符元年真宗東封詔賜衣緜次京官  
陪位駕幸儒廟授太常寺奉禮郎尋授曲阜  
縣令四年為大理評事掌本縣錢穀出納之  
務天禧五年以光祿寺丞襲封文宣公知仙  
源縣事遷贊善大夫終於太子中舍卒年三  
十五無嗣以親堂弟宗愿承襲



宗原字子恭延澤子宋仁宗天聖中以叔父  
道輔蔭補太廟齋郎寶元二年九月授守國  
子監主簿龍襲封文宣公知仙源縣事至和二  
年三月改封衍聖公累迁尚書比部員外郎  
通判濰州卒于官年六十三歸葬祖墓西南  
四子若蒙嗣

四十七代若蒙字公明熙寧元年襲封衍聖公  
元祐元年改封奉聖公坐事以弟若虛承襲  
爵位

若虛字公實元符元年襲封奉聖公卒朝廷  
復以若蒙子端友繼之熙豐間專主祀事不  
任他職大觀間復以奉聖公為衍聖公

四十八代端友字子交崇寧三年復封為衍聖  
公建炎初偕叔父孔傳姪孔玠扈從高宗南  
渡寓三衢終知郴州玠端操第四子繼端友  
紹興八年上賜玠田五頃供祀見載通鑑續  
編後玠生措措生文遠文遠生萬春萬春生  
洙俱宋襲封于衢至元始罷封焉



端操端友弟權襲封衍聖公生子四瑄璿瑗玠  
四十九代璿字文老端操之子廢齊阜昌二年  
襲封衍聖公管勾祀事金天眷三年十一月  
復封為衍聖公贈榮祿大夫皇統二年正月  
卒年三十八葬祖墓西南生拯及撻

五十一代拯字元濟金熙宗皇統二年三月行崇  
咨文宣王四十九代孫璿已襲封未施行間  
身故令男拯次當襲封自古襲封不限年齒  
奏奉勅旨准行時年七歲襲封衍聖公管勾

祀事金世宗大定元年卒年二十六葬祖墓  
西南無嗣以弟撻繼世

撻字元會大定三年七月襲封衍聖公管勾  
祀事二十一年十一月世宗召赴闕下欲留  
任用公力辭請專祀事特授曲阜縣令公以  
穎悟通左氏春秋其為襲封也嚴密祭祀敦  
睦親族嘗言曰生為聖人子孫而修當嗣職  
坐觀隘陋寧不愧於心乎乃親率佃戶之東  
蒙山採伐材木增廣林廟及尼防山殿堂廊



庶五十餘搃終奉直大夫明昌元年辛午年五  
十三贈光祿大夫葬祖墓曲南初幾四十得  
子多不育夜夢異人衣冠偉然告曰今此非  
飛子後丑年庚月丁日所生則真爾子矣當  
名元措後果如其言生子元措

五十一代元措字夢得年十一金章宗明昌二  
年四月襲封衍聖公管勾祀事特旨令視四  
品三年四月奉特旨起授中議大夫仍賜四  
品勳封明昌七年十一月二十三日章宗親

行郊禮召赴闕侍祠位在終獻之次承安二  
年二月勅襲封衍聖公年及十七兼曲阜縣  
令仍令世襲不得別行差占於是始世襲封  
曲阜令宣宗貞祐二年駕幸汴京七月趨赴  
行在所適丁母憂三年七月起復遙授東平  
府判初有旨授東平府判俟未春令赴任尚  
書省奏若擬正授是職緣今多事之際恐曠  
廢本職事有無姑且遙授至春乃正授令往  
管勾祀事况見丁母憂有無特息起復於是



遙授仍起復焉十月二十五日上曰東平府  
判孔元措與隨朝除授平章高琪諱曰可有  
旨初與這賊事時我曾尋思待與隨朝賊事  
未為緣多得勝奏孔聖墳塋見在河北若與  
本人隨朝除授恐廢祭祀可與邠州府賊事  
以此不得已與了東平府判我思目今土寇  
未寧若謂廢祭祀與河北賊事倘因而被害  
却是絕了聖人之後永廢了祭祀也如今與  
隨朝賊事者遂授太常博士其年十一月二

十七日也興定二年秩滿復任四年七月二  
十三日改行太常丞元光元年十一月授同  
知集賢院兼行太常丞正大二年三月授知  
集賢院兼太常丞四年秩滿復任六年十二  
月又任前職至天興元年八月通歷三考九  
月一日改除遥授泰定軍節度使兗州管內  
觀察使兼行太常少卿天興二年正月迁光  
祿大夫尋改授太常卿癸巳年歸附元朝於  
汴梁特取元措還東平依舊襲封衍聖公主



奉祀事無子以姪之固庶子湏嗣爵亦無子  
以從兄元孝弟元用權襲封焉

元用字俊卿元孝弟也初貞祐二年襲封元  
指從宣宗遷汴擬兄元用攝祀事及宋克平  
山東寶慶元年權襲封衍聖公仙源令二年  
改濟州通判兼京東西路安撫司主管機宜  
文字元朝太師國王木華里統諸道兵至承  
制封拜權授襲封衍聖公世襲曲阜令給降  
衍聖公印乙酉年太師征益都以元用指行

丁亥年四月初五日歿於城下年五十三生  
子之全

五十二代之厚元孝子也贈亞中大夫濟寧路  
總管輕車都尉曾郡侯自元措傳湏以來嫡  
長乃元孝生之厚至浣凡三世終不取焉亦  
可謂至德也生子浣

之全字工升乙酉年父元用從太師國王征  
益都之全遂權襲封衍聖公勅癸巳年元措  
自汴梁還東平仍襲封衍聖公之全止克曲



阜令壬子年二月宣差東平路行軍萬戶總  
管管民長官依奉牙魯花赤衆斷事官言語  
權授襲樹聖公降到印信兼曲阜令十月十  
五日卒年五十一生子治

五十三代浣字日新贈中議大夫太常禮儀院  
同僉上騎都尉追封東平郡伯并贈通議大  
夫禮部尚書上輕車都尉追封魯郡侯生思  
晦

治字世安壬子年補替父之全闕充曲阜管

民官中統元年改曲阜令四年權主祀事至  
元十三年授承事郎曲阜令兼管諸軍奧魯  
仍權祀事二十二年授奉訓大夫單州防禦  
使二十九年遷奉直大夫密州知州元貞元  
年赴闕朝見特授中議大夫襲封衍聖公生  
子思誠

五十四代思晦字明道按宗譜先宗憲生若愚  
若愚生端立端立生琬琬生拂拂生元孝元  
孝生之厚之厚生浣浣生思晦天資穎秀新



貫讀書即識大義受業導江張先生顏講求  
義理至大中舉孝廉授范陽靈陽兩縣教諭  
受業諸生不忍舍去仁宗即位訪問孔子之  
後儒臣元明善等曰思晦嫡長應嗣時延祐  
三年六月遂授中議大夫襲封衍聖公給月  
俸自百緡加至五百緡鑄四品印恭定四年  
改嘉議大夫至順三年改鑄三品印初廟無  
垣墻角樓金絲堂毀於兵公言於濟寧總管  
張仲仁請於朝於是角樓廟垣金絲堂及聖  
考加封啓聖王皆公所請也先是五季孔末  
之徒盛以偽亂真殲吾聖裔幾及至是復欲  
冒聖後公語衆曰彼與吾宗不共戴天之讎  
列拜殿庭可乎合宗族稽典故斥之既又重  
刻宗支于石族系益明卒年六十有七其曰  
群鶴翔鳴舍上神光自東南降其舍北謂奉  
議大夫河清江北等處行中書省叅知政事  
護軍追封魯郡公謚文肅生子克堅  
五十五代克堅字景夫性聰學博善詩詞尤精



樂府至元六年授嘉議大夫襲封衍聖公至  
正八年朝廷謂公爵與階不稱制授中奉大  
天易以銀章十五年用平章達世帖木兒薦  
公明習禮學徵為同知太常禮儀院事帝親  
禮公攝太常卿遂拜治書侍御史辭歸追拜  
山東廉訪使受詔復辭歸會山東亂北行抵  
藁城居入為集賢直學士十九年遷禮部尚  
書出為西臺侍御史召拜國子祭酒世亂不  
樂居朝謝病歸祖庭復起為集賢學士階督

善大夫御史臺奏復山東廉使終不起二十  
六年天兵取中原皇上手詔趨入覲待以賓  
禮而不名賜廩糶不煩以政郊社必致膳肉  
慰勞甚至上嘗謂曰尔有福快和人也政不  
煩尔洪武三年以疾告遣中使存問日再至  
疾篤詔驛傳還家錫白金百兩雜綵十端餞  
物稱是三月次邳之新安驛卒于舟中諸子  
扶柩歸葬祖墓西北終年五十有五生子九  
長希學



五十六代希學字士行年二十一授中奉大夫  
襲封衍聖公元末兵起誓不汙亂侍太常寺  
燕南詔見拜秘書卿仍襲封焉歲戊申我

太祖高皇帝初草元命海宇以次平治希學首朝只

師

上清閣下民即以歷代致治理對

上嘉之賜雜綵六端即命回守祖庭洪武元年十二  
月授資善大夫襲封衍聖公歲入覲賜予綢  
疊恩禮益隆歲旦萬國未朝特命班亞上相

朝特命班亞上相始至中使慰勞館謁雖童  
隸無不沾給祖庭兵後廊廡圯壞祭田荒蕪  
官賦徵逼條理後故禮器樂器樂舞儀式次  
第畢舉時然一新皆希學請也卒年四十有七  
朝庭遣使致祭葬祖墓西北生子訥

五十七代訥字言伯天性仁孝能詩書工篆法  
洪武癸亥丁父憂以國哀赴京祭孝陵既竣  
事入覲

天眷甚隆顧謂廷臣曰孔訥真聖人子孫也遂賜膳



光祿命禮官館于太學遣尚書劉仲質勞問  
日繼庖廡復賜衣服物鈔錠充物館舍將俾  
襲爵以居喪乃止丙寅正月朝京師二月二  
日拜襲封之命受諾大廷百僚班列仍勅禮  
官以教坊樂道送至太學學官率諸生二千  
餘人迎於成賢街觀者莫不贊歎光榮明日  
入謝復賜襲衣宴於禮部又明日釋奠于學  
廟以拜命告初行誥詞吏部奏用資善階  
聖上諭之曰既爵公勿事散官但誥以織文玉軸為

異耳遂為故事每歲八覲得給符衆傳班序  
列文臣首享其廩餼下及僚從皆古未有者  
也洪武庚辰九月十六日以疾卒年四十有  
三葬祖陵西北附考墓也生子公鑑

五十八代公鑑字昭文生而岐嶷長益端謹既  
襲封衍聖公嗜學尤薦又明年壬午四月五  
日以疾卒年方二十有三

太宗文皇帝臨御之初遣使諭祭生子彥縉  
五十九代彥縉字朝紳其名與字皆

案昭文公以建文  
六年四月乙亥卒  
今用大統麻演  
之正月甲申朔二  
甲寅朔三月甲申  
朔四月癸丑朔得三  
十三日乙亥此云日  
誤矣收記



仁宗皇帝所命也蚤孤賴母胡氏夫人教育之永樂八年十二月襲封衍聖公

太宗皇帝觀其言動進退從容喜謂侍臣曰真聖人之裔也館之太學禮待甚厚既歸日讀祖書不辭決然中賜第於東安門北宣德正統間禮遇尤厚景泰二年

皇上幸太學特召率三氏子孫觀禮賜冠帶錦衣越三年朝會復賜三臺銀印玉帶衣織金襪麟文視一品皆異數也卒年五十有五乙未十

月二十一日訃聞

上深嗟悼命禮部治喪工部治墳葬祖墓之次生承慶

六十代承慶年六歲遭母夏夫人喪奉父及繼母盡孝既長從三氏學錄族祖孔克晏學所著有禮庭吟藁行于世未襲爵而卒景泰六年十二月先考君雖叔嗣而先卒五年矣然因子襲爵贈襲封衍聖公葬祖考墓之次生子二長弘緒次弘泰



六十一代弘緒字以敬早失怙奉母孝敬景泰六年十一月十三日襲封衍聖公

上特賜<sub>正</sub>壽錦表視一品并賜金匾書鈕作麒麟御篆謹禮崇德四字時年八歲延入宮殿恩禮之盛前所未有也

弘泰字以和稟質聰偉問學克勤好士愛賢人多仰慕成化五年繼兄襲封衍聖公十二年九月日

即王朝崇儒石文之典蓋久蓋隆增樂舞為人倫如造

豆為十二公親與焉見主奉祀事

○世職縣戶附

孔克伸字剛夫孔子五十五代孫洪武八年衍聖公同族眾孔思矩舉保稟資具明敏操履清脩曲阜縣知縣

孔克營字耕夫孔子五十五代孫洪武十五年衍聖公同族眾舉保諭賢排嫡令邑為首任曲阜縣知縣

孔希文字士周孔子五十六代孫洪武十七年



衍聖公同族衆舉保守身勤慎族衆推賢曲阜縣知縣

孔希範字士則孔子五十六代孫洪武二十八年衍聖公同族衆舉保治己公廉善於從政任曲阜縣知縣

孔克中字正夫孔子五十五代孫永樂九年衍聖公同族衆舉保懋勤忠孝敬慎不渝任曲阜縣知縣

孔公鏗字聲之孔子五十八代孫宣德九年衍聖公同族衆舉保蚤服家言衆推為賢任曲阜縣知縣

孔讓字蘊伯孔子五十七代孫景泰元年衍聖公同族衆舉保善於從政撫字克勤任曲阜縣知縣

孔公錫字賜文孔子五十八代孫天順五年衍聖公同族衆舉保早擢鄉舉衆推曰賢任曲阜縣知縣再陞兗州府通判

孔燮字理伯孔子五十七代孫成化八年衍聖



公同族衆舉保處事公勤氏心愛慕任曲阜  
知縣

○世職孝錄附

孔克晏字堯夫孔子五十五代孫衍聖公同族  
衆舉保孝行俱優善能訓誨仕三氏孝錄

孔論字經伯孔子五十七代孫衍聖公同族衆  
舉保德足率人不遺祖訓任三氏孝錄

任三氏學錄

孔克昫字東夫孔子五十五代孫衍聖公同族  
衆舉保素有賢行克稱儒師任三氏學錄

○歷代賢宦子孫詔旨誥勅

前漢高祖十二年十二月自淮南還過魯以大牢  
祀孔子封孔子九世孫騰為奉嗣君

武帝元朔二年甲寅以孔臧為太常初帝欲以為



御史大夫薛曰臣世以經學為業乞為大常與  
臣家業與從弟侍中安國烱紀古訓使永垂東  
嗣帝乃以為太常其禮賜如三公

漢元帝尊奉孔子十三代孫孔霸詔賜爵關內侯  
號褒成君

後漢章帝元和二年東巡狩過魯幸闕里以太牢  
祀孔子及七十二賢作六代之樂大會孔氏男  
子二十以上者六十三人帝謂二十代孫簡臺  
令史孔僖曰今日之會寧於鄉宗有光榮乎對

曰臣聞明王聖主真亦尊師貴道今陛下親屈  
萬乘辱臨闕里此乃崇禮先師增輝聖德非臣  
家之私榮也帝大笑曰非聖者子孫焉有斯言  
乎拜僖郎中

魏文帝黃初元年正月以曾縣百戶命孔子二十  
一代孫恭議郎孔羨為宗聖侯以奉孔子之祀  
制詔三公曰昔仲尼安大聖之才懷帝王之器  
當衰周之末而無受命之運在魯衛之朝教化  
乎誅西至極、焉皇、焉欲屈已以存道貶身



以救世於是王公終莫能用乃退考五代之禮  
修素王之事因魯史而制春秋就太師而正雅  
頌俾千載之後莫不宗其文以述作仰其聖以  
成謀咨可謂命世大聖億載之師表者已遭天  
下大亂百祀墮壞舊居之廟毀而不修褒成之  
後絕而莫繼開里不聞講誦之聲四時不睹蒸  
嘗之位斯豈所謂崇化報功盛德百世必祀者  
哉嗟乎朕甚憫焉其以奉議郎孔羨為宗聖侯  
邑百戶奉孔子之祀今魯郡修起舊廟置百戶

吏卒以守衛之又於其外廣為屋宇以居學者  
宋文帝元嘉十九年十二月丙申詔曰胄子雖集  
學業方興自微言泯絕逝將千載感事思人意  
有慨然奉聖之胤可速議繼襲於先廟地特為  
營建依舊給祠宜令四時饗祀闕里徃經寇亂  
黌學殘毀并下曾郡復修學舍採召生徒昔之  
賢哲及一介之善猶或衛其土壠禁其蒔牧况  
尼父德表生民功被百代而墳塋荒蕪荆棘弗  
剪可蠲墓側數戶以掌洒掃曾郡上民孔景等



五戶居近孔子墓側蠲其課役以給洒掃并栽種松柏六百株

後魏孝文帝泰和十九年帝如魯城親祠孔子詔拜孔氏四人顏氏二人官仍選諸孔宗子一人封為崇聖侯邑一百戶以奉孔子祀命修其墓更建碑銘

北齊文宣帝天保元年詔崇聖侯改為恭聖侯

梁敬帝太平二年春正月壬寅詔曰夫子降誕休喆經仁緯義允允素王載闡玄功仰之者弥高

誨之者不倦立忠立孝德被烝民制禮作樂道冠群后雖泰山頽峻一貫不遺而泗水餘瀾千載猶在自國書屯阻統薦不修奉聖之門胤嗣殲滅敬神之禮寔宜寂寞永言嘉烈寔兼欽愴外可搜舉魯國之族以為奉聖侯并繕廟堂祗脩祀典四時薦秩一皆遵舊

隋煬帝大業四年冬十月丙午立孔子後三十二代孫嗣慈為紹聖侯詔曰先師尼父聖德在躬誕發天縱之姿憲章文武之道命世膺期蘊茲



素王而顏山之嘆忽踰於千祀至德之美不存於百代永惟懿範宜有褒崇可立孔子後為紹聖侯有司求其苗裔錄以申上

唐高祖武德九年十二月二十九日下太宗文武聖皇帝詔曰宣尼以大聖之德天縱多能王道藉以裁成人倫資其教義故孟軻稱生人以來一人而已自漢氏馭歷魏室分區爰及晉朝暨於隋代咸相崇尚用存享祀朕敏若前王憲章故實親師宗聖是所庶幾存亡繼絕抑惟通典

可立孔子後為褒聖侯以隋故紹聖侯孔嗣愬嫡子德倫為嗣主者施行

太宗貞觀十年給先聖廟戶二十以奉祀十年封褒聖侯

太宗乾封元年詔孔氏子孫並免賦役闔門勿馬太宗貞觀十一年命褒聖侯祭先聖皆服玄冕朝會位同三品

玄宗二十七年改封三十五代孫遂之為文宣公制曰永惟聖道思闡儒風故尊崇先王所以弘



至教褒獎後嗣所以美前烈褒聖侯璣之纂承  
睿哲克履中庸三命益欽敦素憑於祖業百代  
必祀光寵祕於朝思積慶之餘既開於土宇至  
德不朽直傳於帶礪可改封文宣公兼兗州長  
史遷都永使者食邑一千戶

玄宗開元十三年幸孔子宅召每代長子一人承  
襲兼賜一子官

肅宗上元二年詔凡大祀其褒聖侯在朝位於文  
官二品之下